

NAQQIUT

Taarsissavaa siunnersuut ullulerneqartoq 10. august 2018

Tunngavilersuut

UKA 2018/195-imi siunnersuutip kalaallisunngortinnerani § 1, imm. 1, aamma § 2 a, imm. 4-mi iluarsiisoqarpoq, soorlutaaq siunnersuutip misissorneqarnerani kukkunersuisoqartoq.

Uunga siunnersuut: Soraarnerussutisiaqalernissamut aningaasaatit ilaannit pissarsiat akile-raaruserneqartarnerat pillugu Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2018-imeersoq

(Inatsisip atuuffiata ilaneqarnera)

§ 1

Soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaanni nr. 44, 23. november 2017-imeersumi makku allannguutigitinneqarput:

1. § 1, imm. 1, ima oqaasertaqarpoq:

”Soraarnerussutisiaqarsinnaatitaasut aningaasarsianit akileraarutit pillugit inatsimmi § 1, imm. 1, nr. 1 aamma 2, aammalu imm. 2 naapertorlugit akileraartussaatitaasut marloqiusamik akileraartannginnissamik isumaqatigiisummi aalajangersakkat malillugit naalagaaffimmi allami, Danmarkimi Savalimmuniunuunniit angerlarsimaffilitut isigineqanngitsut, inatsit manna malillugu soraarnerussutisiaqalernissamut aaqqissuussinernit soraarnerussutisiaqalernissamut aningaasaateqarfinni Kalaallit Nunaanni angerlarsimaffilinni sillimmasiisarnermillu ingerlatsineq pillugu inatsimmut ilaasuni, imaluunniit inuunermik soraarnerussutisiaqalernissamulluunniit sillimmasiisarnermik ingerlatseqatigiiffinni Kalaallit Nunaanni angerlarsimaffilinni sillimmasiisarnermillu ingerlatsinissamik Aningaasaqarnermik Nakkutilliisoqarfimmit (Finanstilsynimit) akuerineqarsimasuni pilersinneqarsimasunit akileraartussaapput kiisalu soraarnerussutisiaqarnissaq siunertaralugu ileqqaakkanit aningaaserivinni Kalaallit Nunaanni angerlarsimaffeqartuni aalajangersimasumilluunniit ingerlatsiveqartuni, Finanstilsynimillu akuersisummik peqarlutik nunami maani aningaaseriveqarnermik ingerlatsisuni pilersinneqarsi-masunit akileraarutinik, Inatsisartut inatsisaat manna malillugu akiliissapput.”

2. § 2-p kingornagut ilanngunneqarpoq:

” **§ 2 a.** Soraarnerussutisiaqarnissaq siunertaralugu ileqqaakkat aningaasatigut iluanaarutaat suul-luunniit akileraarusigassanut ilanngunneqassapput.

Imm. 2. Pisassarisanit annaasat naatsorsuinermi ilanngunneqassanngillat, pisassarisanit erniatigut isertitat pisassarisanilluunniit iluanaarutit, marloriaammik akileraarnissaq pinngitsoorniarlugu isumaqatigiissutip kingunerisaanik akileraarusigassat naatsorsorneranni ilanngunneqartussaanngippata.

Imm. 3. Aningaasanut tigoriaannarnut kontut erniaat, pappiaqqat aningaasanik nalillit pappiaqqanit aningaasanik nalilinnit allanit aningaaseriviup pigisaanit immikkoortinnejartut iluanaarutaat tunngavigalugit tunniunnejartut akileraaruteqaataasussat naatsorsorneranni ilanngaatissat ilanngaatigereerlugit ukiumut iluanaarutit tamarmiusut ilanngunneqassapput. Kontup taamaattup atorunnaarsinneqarnerani uninngasuutinut tunngatillugu iluanaaruteqarpat annaasaqaateqarpalluunniit assigiinngissut taanna akileraarusigassanut ilanngunneqassaaq.

Imm. 4. Ingerlatseqatigiiffinit suliffeqarfissuarmut atasuusunit pisassarisatigut annaasat ilanngaatigineqarsinnaanngillat. Annaasat ilanngaatigineqarsinnaanngitsut, piffissami pisassarisat pissarsiarineqarfian nalingat tunngavigalugu naatsorsorneqassapput, nalingisa allanngorarnerat apeqqutaatinngagu, taamaattorli tak. imm. 6-8.

Imm. 5. Ingerlatseqatigiiffit suliffeqarfissuarmut atasuusut tassaapput

1) ingerlatseqatigiiffit peqatigiiffiillu il.il., aktiaatillit allanngoratik piffissami pisassarisap pissarsiarineqarfiani kingusinnerusumiluunniit ingerlatseqatigiiffinni tamani aktiatigut aningaasaatit 50 procentiinit amerlanerusunik toqqaannartumik toqqaannanngitsumilluunniit piginnittuuffigisaat,

2) ingerlatseqatigiiffit peqatigiiffiillu il.il., aktiaatillit allanngoratik piffissami pisassarisap pissarsiarineqarfiani kingusinnerusumiluunniit ingerlatseqatigiiffinni tamani taasisinnaanerit 50 procentiinit amerlanerusunik toqqaannartumik toqqaannanngitsumilluunniit pisinnaatitaaffigisaat,

3) aningaasaateqarfik ingerlatseqatigiiffillu, aningaasaateqarfian piffissami pisassarisap pissarsiarineqarfiani kingusinnerusumiluunniit ingerlatseqatigiiffinni tamani aktiatigut aningaasaatit 50 procentiinit amerlanerusunik toqqaannartumik toqqaannanngitsumilluunniit piginnittuuffigisaat, imaluunniit

4) aningaasaateqarfik ingerlatseqatigiiffillu, aningaasaateqarfian piffissami pisassarisap pissarsiarineqarfiani kingusinnerusumiluunniit ingerlatseqatigiiffinni tamani taasisinnaanerit 50 procentiinit amerlanerusunik toqqaannartumik toqqaannanngitsumilluunniit pisinnaatitaaffigisaat. Aktiaatillit aningasarsianit akileraarutit pillugit Inatsisartut inatsisaanni § 86, imm. 3-mi taaneqartut aktiaatillit kikkuunerinik naliliinermi tassaatinneqassapput aktiaatillit taakkoqqissaat. Taasisinnaanerit ilaannik qassnik peqarnermk naatsorsuinermi ilanngunneqassanngillat taasisinnaanerit, aktianik pisisinnaanermik qularnaarinermut atatillugu taamaallaat tunniunnejarsimasut.

Imm. 6. Imm. 4 atutissanngilaq pisassarisat nioqqutissanik pigisanillu allanik tunisaqarnikkut kii-salu sullissinikkut akiliuttit akileraaruteqaataasussatut pisassarilerneqarsimappata, akiligassaqarfiusorlu akiligassaqartorlu ataatsimut akileraartussaanaerup kipinerata kingorna pilersinneqarsimappata. Tamannali aatsaat atutissaaq akiitsutigut iluanaarutit akiligassaqartumut akileraaruteqaataasussaanaerat imaluunniit amigartoortnik annaasaqaatinillu ilanngaatigineqarsinnaasunik suli ilanngaatigineqarsimannngitsunik ikilisitsesarneq pillugu maleruagassani pineqartunut ilaanaerat upernarsaatissaqartinnejarpas. Akiligassaqarfian pilleq ilanngaatiginnissinnaanera akiligassallip akileraaruteqarnissaanut aammalu amigartoortnik annaasaqaatinillu ilanngaatigineqarsinnaasunik suli ilanngaatigineqarsimannngitsunik ikilisitsinissa-

nut aalajangiisuppat iluanaarutit aalajangersagaq taanna malillugu akileraaruteqaataasussatut aam-malu amigartoortinik annaasaqaatinillu ilanngaatigineqarsinnaasunik suli ilanngaatigineqarsimangitsunik ikilisitsisarneq pillugu maleruagassani pineqartunut ilaasutut isigineqassapput. Imm. 1 aammattaaq atutissanngilaq obligationitigut pisassarisatigulluunniit allatigut, aaqqissuussaasumik niuerfimmi nioqqutigineqarsinnaasutut akuerisaasutigut annaasaqaatinut.

Imm. 7. Imm. 4 aamma erniatigut pisassarisanut atutissanngilaq, erniat pineqartut akiligassaqarfiup aningaasarsiaasa akileraaruteqaataasussat naatsorsorneranni ilanngunneqarsimappata, akiliga-saqarfiusorlu akiligassaqaqtarlu ataatsimut akileraartussaasimanngippata imaluunniit pisassarisat ataatsimut akileraartussaanerup kipinerata kingorna pilersinneqarsimappata.

Imm. 8. Imm. 4 aamma akileraartussaatitaasunut pisassarisanik pisisarlutillu nioqquteqarnermik inuussutissarsiuteqartunut imaluunniit aningaasalersuinikkut inuussutissarsiummik ingerlataqartunut atutissanngilaq, ingerlatseqatigiiffissuarmut attuumassuteqarneq akiligassaqaqrifiup siusinneruskut taarsigassarsiarititat akilersorneqarnissaat pillugu akiligassallip suliffeqarfiutaanik ingerlatsi-gallarneranik imaluunniit inuussutissarsiutigalugu suliffeqarfinnik aaqqissuusseqqinnermi peqataa-neranik taamaallaat peqquteqarsimappat.”

3. § 10, imm. 1, ima oqaasertalerneqassaaq:

”§ 1, imm. 2-mi akileraartussaatitaasut taaneqartut, pissarsianik akileraarutaasussaasunik inatsisitigut pisussaatitaasumit pissarsianit iluanaarutit katinnerattut naatsorsorsinnaagaat aamma pissarsianit iluanaarutit annaasaqaatillu imm. 2 naapertorlugu naatsorsorneqartut, taamaattorli tak. Imm. 3 aamma 4, inatsisitigut pisussaatitaasoq Kalaallit Nunaanni akileraarnermut inatsisit naapertorlugit namminersorluni akileraartarnermi iliuuseqartuunngippat. Piumasaqaataavoq, akileraartussaatitaasoq ukiumi isertitaqarfiusumi qaqqugukkulluunniit inatsisitigut pisussaatitaasumut suliffissuakkut attuumassuteqassanngitsoq, tak. aningaasanik ingerlataqarneq pillugu inatsisip Kalaallit Nunaannut atuutsinneqarnera pillugu peqqussummi § 5. Oqaaseqatigiit siullit aamma aappaat assinganik atuupput, aningaasaliineq aningaasaliisarfik kontonik ingerlatsivusoq atorlugu pippat.”

4. § 11-mi imm. 7-itut 8-tullu ilanngunneqarput:

”Imm. 7. Aktianit piginneqataassutinilluunniit aaqqissuussaasumik niuerfimmit assigiinngitsorpassuarnilluunniit niuerfimmit nalunaarsugaajunnaartunit iluanaarutinik annaasaqaatinillu naatsorsuinermi aktiat anpartilluunniit uninngasuutigineqartut imm. 3 malillugu akileraaruserneqartussat nalunaarsugaajunnaarnertik sioqqullugu nalingat nalunaarsorneqartoq kingulleq malillugu tunineqartutut isigineqassapput. Akileraartussaasup naliliussat oqaaseqatigiit siullit malillugit naatsorsorneqartut pillugit paassisutissat Inatsisartut inatsisaat manna naapertorlugu akileraarusiinissami atorneqartussat ukiut tamaasa ukiumi aningaasarsiorfiusumi kingusinnerpaamik 1. december aningaaserivimmuit nalunaarutigisassavai. Akileraartussaasoq oqaaseqatigiit siullit malillugit naliliussanik aningaaserivimmuit piffissaagallartillugu nalunaaruteqanngippat, aningaaseriviup uninngasuutigineqartut imm. 3, taamaattorli takuuk imm. 8, malillugu naatsorsorneqarneranni pisiarineranni akiat tunngavigissavaa.

Imm. 8. Imm. 7 aktianut piginneqataassutinulluunniit aaqqissuussaasumik niuerfimmi assigiinngitsorpassuarnilluunniit niuerfimmi nalunaarsugaasimasunut atuutinngilaq, ingerlatseqatigiffiup akiliisinnaajunnaarnera eqqartuussivimmit nalunaarutigineqarsimappat. Aammattaaq imm. 7 aktianut anpartinulluunniit aaqqissuussaasumik niuerfimmi assigiinngitsorpassuarnilluunniit niuerfimmi nalunaarsugaasimagaluarlutik nioqqutaajunnaarsikkallarneqarsimasunut atuutinngilaq. Iluanaarutinik annaasaqaatinillu imm. 3 malillugu naatsorsuinermi aktiat piginneqataassutilluunniit nioqqutaajunnaarsikkallarneqarnissartik sioqqullugu nalingat nalunaarsorneqarsimasut oqaaseqatigiit aappaat malillugu nalilerneqassapput.”

5. § 16-ip kingornagut ilanngunneqarpoq:

” § 16 a. Aningaaseriviit akileraarusigassat amerlassusiisa taakkualu ilaasa akileraaruteqaataasussat kiisalu soraernerussutisiaqarnissamut aaqqissuussinerit ataasiakkaat akileraaruteqaataasussat § 1, imm. 1-imi pineqartut akileraarutitaasa naatsorsorneqarnerat ukiumi ukiup aningaasarsiorfiusup tulliani kingusinnerpaamik 22. januar akileraaruseriffimmut nalunaarutigissavaat. Ukiumi aningaasarsiorfiusumi akileraarutissaviit naatsorsorneqartut ukiumi, ukiup aningaasarsiorfiusup tulliani 8. januarimiit ukiumi, ukiup aningaasarsiorfiusup tulliani 15. januarip tungaanut erniaat naatsorsorneqassapput. Akileraarutit ernianik naatsorsorneqartunik ilallugit naatsorsukkap nassiunneqarnerata ilutigisaanik akilerneqassapput. Aningaaseriviup erniat soraernerussutisionik ileqqaartut sinnerlugit akilissavai, kingornalu aalajangersakkat aningaaserivinni ataasiakkaani aalajangersarneqartut aallaavigalugit soraernerussutisiaqarnissamut ileqqaagaqartunut ataasiakkaanut tunngatillugu immikkut ernialersuisinnaallutillu ernianik akiliisitsisinnaallutik. Ukiumi ukiup aningaasarsiorfiusup tulliani erniat ernianut § 22, imm. 5-imi taaneqartunut naapertuutissapput.

Imm. 2. Aningaaseriviup akileraarutit kontomit akileraarutit tunngassuteqarfingisaannit, ulloq pifissaagallartillugu akilerneqarfissaat sapaatit akunneranik ataatsimik sioqqullugu tigussavai. Aningasanut kontomi pappiaqqanik nalilinnik uninngasuutinut attuumassuteqartumi matussutissaqanngikkaluarpalluunniit aningaaseriviup aningaasat tigussavai. Kontomik piginnittup konto imassarisaanik imaqqanngippat, taava aningaasat amigaataasut ernialersorneqassapput aningaaseriviup uninngasuutit ernialersorneqartarerat malillugu, imaluunniit aningaaseriviup kontomik piginnittoq allakkatigut nalunaarfianiit konto aningaasanik amigaateqarneranik, atukkiinermut ernialersuisarneq malillugu, imm. 6 aalaavigalugu. Aningaasartuutigineqartoq isertitanit akileraarutaasussanit pensionisiaqarsinnaatitaasumit naatsorsusuasiarineqartunit ilanngaatigineqarsinnaanngilaq. Aningaaseriviup akileraarutit akilerneqarnerisa kingorna kingusinnerpaamik sapaatit akunneri 8-t qaangiunneranni akileraartussaasumut ilisimatitsissutigissavai. Konto sipporneqarsimappat kontup aningaasanik qanoq amerlatigisunik sipporneqarsimanera aningaaserivimmit soraernerussutisiaqarsinnaatitaasumut ilisimatitsissutigineqassaaq.”

6. § 17-immi imm. 4-tut ilanngunneqarpoq:

”Imm. 4. Aningaaseriviit imm. 1 malillugu akileraarutit akiligassanngortut sinneri imm. 3 malillugu erniaat ilanngullugit, ukiumi ukiup aningaasarsiorfiusup tulliani kingusinnerpaamik 22. januar akileraaruseriffimmut nalunaarutigalugillu akilissavaat. Ilutigitillugu nassiuinneqassaaq akileraarusigassat amerlassusiisa taakkualu ilaasa akileraaruteqaataasussat kiisalu soraarnerussutisiaqarnissamut aaqqissuussinerit akileraaruteqaataasussat § 1, imm. 1-immi pineqartut akileraarutitaasa naatsorsorneqarnerat. Akileraarutit sippuutaasa aningaasartaat ernianik imm. 3 malillugu naatsorsukkanik ilallugit aningaaserivimmut tunniunneqassapput.”

7. § 18-immi imm. 3-tut ilanngunneqarpoq:

”Imm. 3. Akileraartussaatitap naliliussat § 11, imm. 7 malillugu naatsorsorneqartut pillugit paasisutissat aningaaseriviup naatsorsuinissaani imm. 1-immi taaneqartumi atorneqartussat aningaaserivimmut tunniutissavai.”

8. § 22, imm. 5-immi oqaaseqatigiit aappaattut nutaatut ilanngunneqarput:

”Akileraarutit aningaasartaat aningaaserivimmit, §§-it 16-imit 18-imut malillugit akilerneqarsimasut allangortinneqarpata aningaasat nikingassutaasut ukiumi, ukiup aningaasarsiorfiusup tulliani ulloq 8. januarimit akiliisoqarnissaata tungaanut ernialersorneqassapput.”

Oqaaseqatigiit aappaanniit arfineq-aappaannut matuma kingorna tassaalerput oqaaseqatigiit pingajuannii arfineq-pingajuannut.

9. § 22, imm. 5-immi oqaaseqatigiit arfernati ima oqaasertaqarpoq:

”Nalinginnaasumik agguaqatigiissitsineq, tak. oqaaseqatigiit pingajuat, uniffiup kingorna ataatsimik kisitsilerlugu naatsorsorneqassaaq.”

10. § 24-p kingornagut ilanngunneqarpoq:

”**§ 24 a.** Akileraartussaasup § 11, imm. 7 malillugu naliliussat aningaaserivimmut piffissaagallartillugu nalunaarutiginngippagit, aningaaseriviup §§-it 16 a aamma 18 malillugit naatsorsukkamik tunniussinermut atatillugu akileraaruserivimmut ilisimatitsissutigissavaa, naliliussap pineqartut pillugit paasissutissat tiguneqarsimannngitsut. Tamanna pereerpat akileraaruseriffiup akileraartussaasoq nalunaarfingissavaa pineqartoq § 11, imm. 7 malillugu naliliussat pillugit paasissutissanik aningaaserivimmut nassiusisimanngitsoq, aningaaserivillu tamatuminnga ilisimatissallugu. Akileraartussaasup § 11, imm. 7 malillugu naliliussat pillugit paasissutissat nalunaarfingineqarnermi kingorna kingusinnerpaamik qaammatip ataatsip qaangiunnerani aningaaserivimmut nalunaarutigissavai.”

§ 2

Inatsisartut inatsisaat 1. juli 2018-immi atuutilerpoq.

Imm. 2. Inatsisartut inatsisaat ukiumit aningaaarsiorfiusumit 2018-imit atuutilerpoq.

Namminersorlutik Oqartussat, ulloq xx. xxx 2018

Kim Kielsen